


Նոր Տարվա և
Անլր Ծննդի ճամփա



1 (59)
2015

1000 ԴՐ



Ուշին գնացք

Բարի՛

Բարև, մեծ, շատ, կարոտա՞ծ բարև: Որովհետև քանի ամիս է՝ քեզ չեմ բարեւել. ախր վերջին անգամ լոյս եմ տեսել ապրիլին: Դիմի՞ դու ել ինձ ես կարոտել ու սպասել այս ամիսներին: Ուշ, սիրում եմ, որ ինձ կարոտում են...



Գիտե՞ս, քիչ եր մնում, քիչ եր մնում ես այլս լոյս չտեսնեի. չեմ ել պատկերացնում, թե ոնց կապրեիր առանց ինձ... Բա ես ոնց կտխրեի, եթե ել լոյս չտեսնեի... Բայց ես գիտեի, որ սպասում ես ինձ, որ քեզ պետք եմ... Դրա համար ել հաղթահարեցի՝ իմ ծանապարհի դժվարությունները, որոշեցի, որ չի կարելի տիրել ու հուսահատվել. նորոգեցի ընդհատված ռելսերս, նոր կամուրջներ կապեցի ձորերի վրայով, ինձ կարգի բերեցի, թարմացրի, նոր տեսք ու գոյն տվեցի ու նորից ծնվեցի... Պո՛ չըք-չըք-չըք...

Զարմացա՞ր, որ մի քիչ փոփոխված եմ. ես իմաս դարձել եմ **ամսագիրը**: Եվ դա լավ է, քանի որ դու ո՞ր պահին ուզե՞ս՝ կարող ես ինձ գտնել գրախանութերում, անգամ եթե այդ ամիսը վերջացել է: Դու եի կարող ես ինձ բաժանորդագրվել, ու ես ոգևորված, ինքս իմ անիվներով, ամեն անգամ կգամ քո տուն:

Պո՛ չըք-չըք-չըք...

Ես ուժե՛ղ Ուրախ գնացք եմ, երբ ինձ շատ երեխաներ են սիրում ու կարդում, երբ ինձ սպասում են անհամբեր, ու շատերն են ընկերություն անում ինձ հետ:

Պո՛ չըք-չըք-չըք...

Եթե ինձ ասելու բան
ունես կամ ուզում ես
բաժանորդագրվել, զանգի՛ո:

52 08 48



«Ուրախ գնացք» ամսագրի առաջին հատորն ամբողջությամբ նվիրվում է Նոր տարի և Սուրբ Ծննդյան տոններին. Ես ել, դու ել այս տոններն ամենաշատն ենք սիրում, չե՞: Դե արի լի՞քը կարդանք տոնների մասին, նոր բաներ իմանանք, եփենք-թափենք, սարքենք-ձևավորենք տոննական տրամադրությամբ ու մեր շուրջը տոնն ստեղծենք:

Ի՞նչ լավ է, որ ես վերածնվում եմ հենց Ամանորի ու Ծննդյան տոններին...

Համիկ Աշամյան

Չմե՛ռ պապ, տե՛ս, չուշանա՞ս, Նոր տարին է մոտենում, Քնով չանցնես, մոռանաս, Թե ես որտեղ եմ ապրում: Երկար եմ քեզ սպասել, Մի տարի է՝ չեմ տեսել. Անհամբեր եմ ես դառնում, Որքան տոնն է մոտենում:

Ես արդեն գրագետ եմ, Լամակ կարող եմ գրել, Պապի՛կ, քեզ որտե՞ղ գտնեմ, Ասեմ՝ ի՞նչ բերես նվեր: Բարձիս տակ եմ ես դրել Լամակը իմ՝ քեզ գրած, Գիտեմ՝ քնած կլինեմ, Երբ գիշերով մոտս գաս:





ՀԱՅԿԱԿԱՆ


ՆՈՐ ՏԵՐԻՆ

Հին ժամանակներում հայերն Ամանորը տոնում էին Նավասարդ ամսին, այսինքն օգոստոսի 11-ին: Հնում Նոր տարին Կաղանդ է կոչվել, Զմեռ պապին էլ Կաղանդ պապ են ասել: Նոր տարվա տոնից առաջ նախ տունն էին մաքրում (հիմա էլ, չե՞ն, մեր մայրիկները տոնից առաջ մի լավ մաքրություն են անում), նետում էին կոտրված ու անպետք իրերը, նորոգում էին տան քանդված մասերը, տունը զարդարում էին շարը խափանող ու բարին բերող զարդարանքներով: Եթե ընտանիքում իրարից նեղացած էին, բոլորը ձգտում էին հաշտեցնել նրանց:



Երեխաները

Ամենահետաքրքիրը երեխաների գործն էր. Նոր տարվա նախորդ օրն ու գիշերը տղաներն ու աղջիկները պարելով շրջում էին փողոցներում և հերթով կանգնելով տների առաջ՝ երգելով գովում էին այդ ընտանիքի անդամներին ու այսպիսի մաղթանքներ անում.



**Բարով թող գա ձեր նոր տարի,
Ձեր տուն մտնի հազար բարի,
Լիքը հորեր շատ ունենաք,
Կարմիր օրեր շատ ունենաք,
Կարմիր օրով, կարմիր շորով
Ուրախ կենաք միշտ կուշտ փորով:**

Տղաները բարձրանում էին կտորին ու երգելով երդիկից տոպրակ իջեցնում, իսկ տանտիկինը կախված տոպրակի մեջ միրգ, խմորելեն, քաղցրավենիք էր լցնում:

Տոնի պատրաստությունները

Երդիկներից առաջ ծովս էր բարձրանում. բոլոր տներում հաց էին թխում. Նոր տարին պետք էր նոր հացով սկսել: Իսկ երիտասարդները գնում էին աղբյուրից թարմ, Նոր տարվա ջուր բերելու. կարծում են՝ առաջ տներում ծորակից էր ջուրը հիսում: Տատիկը թխում էր «Տարի» գարան, որի մեջ թաքուն մի կորիզ էր դնում: Իսկ տան զարդարանքը մարանից բերած մրգի ու ջրի շարաններ էին՝ առաստաղից կախված: Գլխավոր զարդը՝ Կաղանդի ծառը, պատրաստում էին ցորենի հասկերից: Կամ էլ չոր ջուղը զարդարում էին՝ գունավոր թելերով չիր ու իմորելեն կախելով:

Կեսգիշերին

Բոլորը հագնում էին իրենց տոնական շորերը: Անասունների եղջյուրներից կարմիր թաշկինակ էին կապում: Միմյանց խնձոր էին նվիրում՝ մեջք մետաղադրամ խրած: Ընտանիքը հավաքվում էր սեղանի շուրջ, որի վրա միայն պասային ուտելիքներ էին. Նոր տարուն սկսվում էր Սուրբ Ծննդյան շաբաթը, ուրեմն պաս էր: Տան մեջք բարձրացնում էր բաժակն ու ասում. «Անուշ մեղր ուտենք, որ տարին բոլոր անուշ զրուցենք, անուշ լսենք, անուշ վարվենք», ու բոլորը մի գյալ մեղր էին ուտում: Լավ մաղթանք է, չե՞ն: Շատ հավանեցի: Գուցե մենք ել իին



Ժամանակների նման Նոր տարվա գիշերը այդ բառերն ասենք իրար... Հետո հանդիսավոր կտրում էին «Տարի» գարան. ում որ ընկներ մեջք թաքցրած կորիզը, այդ տարի ընտանիքի հաջողությունը նրանից կգար: Տան դուռը չին փակում, որ հյուրեր գային: Մարդիկ տուն էին մտնում աջ ոտքով, որպեսզի տարին ձախորդություն չբերեր:

Ծնորհակալություն Հրանուշ Խառաւյանի «Հայ ժողովրդական տոները» գրքին:
Նկարիչ՝ Վաչագան Մանուկյան



ՍՈՒՐԲ ԾՆՈՒՅՆԻ ՈՒ ՎԱԼՈՐԵ ԱՇԽԱՐՀՈՒՄ



Նոր Տարին ու Սուրբ Ծնունդը ամենասիրված տոներն են ողջ աշխարհում: Իրար հաջորդելով՝ այս երկու տոները Ամանորի հեքիաթն են ստեղծում մեզ համար:

Սուրբ Ծնունդը լրասավոր ու խաղաղ ընտանեկան տոն է, ողջ գերդաստանով հավաքվում են տոնական ընթրիքի շուրջ, եղևնին զարդարում, նվերներ փոխանակում: Ծատ երկրներում եկեղեցում են դիմավորում Սուրբ Ծնունդը, ձեռք ձեռքի բռնած, ծանոթ-անծանոթ-ներով միասին: Նոր տարին աղմկոտ, ակտիվ և ուրախ տոն է, տարբեր ազգերի մարդիկ այս տոները նշում են՝ ամեն մեկն իր սովորութիւնամաճայն:

Տոնական ձամփորդության ենք դրւու գալիս. բա չտեսնե՞նք՝ ով ինչպես է տոնում:



Իտալիա

Իտալացիները Նոր տարվա գիշերը իրենց տներից ուղղակի փողոց են շպրտում հնացած իրերը, ձաքած ամանելենը, կոտրված կահույքը: Այդ օրը իտալիայում փողոց դրւու գալը վտանգավոր է. հանկարծ գլխիդ իին բազմոց չընկնի...



Ռումինիա

Ռումինացիները Նոր տարին դիմավորում են այժի պարով. մի մարդ՝ այժի դիմակ հագած, ուսերին բրդոտ ծածկոց զցած՝ անցնում է տներով ու պարում այժի պարը:



Մեքսիկա

Մեքսիկացիները հյուրասենյակում կախում են քաղցրավենիքով լի մեծ աման, որը զարդարված է գազանների ու հրեշների նկարներով: Հյուրերի աշքերը հերթով կապում են ու մահակը տախս ձեռքը: Նա, ում հաջողվում է ջարդել ամանը, նոր տարվա ընթացքում երջանիկ կլինի:



Բրազիլիա

Ոյո դե Ժանյուրյոյի բնակիչները սիրում են Նոր տարին դիմավորել օվկիանոսի ափին: Հազարավոր մարդիկ, սպիտակ շորերով, ուղիղ կեսգիշերին գնում են ծովափ: Կառվող մոմերը դնում են ափի ավազների մեջ, մտնում են ջուրն ու ջրի վրա ծաղիկներ շաղ տախ:



Ավստրալիա

Այս խեղճ ավստրալացիները ո՞չ ծյուն են տեսնում, ո՞չ եղևնի ու եղերու ունեն: Բոլորը հավաքվում են ծովափին: Մեկ էլ շոգ-կրակին Զմեռ պապը հայտնում է օվկիանոսի ալիքների միջից ու ազդարարում Նոր տարվա մուտքը: Մարդիկ ուրախ շնորհավորում են իրար ու սպասում գիշերվա շքեղ հրավառությանը:



Բիրմա

Քարտեզի վրա այս երկրի տեղը չգիտե՞ս: Հիմա որ կարդաս, հաստատ կգնաս ու կգտնես: Որ տեսնե՞ այդ որտե՞՞ է, որ մարդիկ Նոր տարին իրար ջրելով են նշում: Բա ի՞նչ անեն. իրենց վառվուն շոգ ու տապի երկրում հազիվ մի հովանալու ծև են գտել. շոգած մարդիկ ջրի փառատոն են անում ու իրար հովանում:

Արգենտինա

Այ քեզ հետաքրքիր մարդիկ... Տեսնո՞՞ մ ես օդում շաղ եկած թղթի կտորտանքը: Սա արգենտինացիների Նոր տարին տոնելու ձևն է: Բոլոր գրասենյակների աշխատողները իին տարվա վերջին օրը իրենց բարձրահարկ աշխատանքային սենյակների պատուհանները բաց են անում ու ինչքան իին տարվա գրածմրած թուղթ ունեն, այսպես ձղջում ու ցած են թափում: Լա վ է, որ մի պիտանի փաստաթուղթ չեն պատռում... Օրվա վերջում ամբողջ փողոցները կորում են սպիտակ թղթի կտորների տակ:



Ինդոնեզիա

Ինդոնեզիայի Բալի կղզում շա՞տ տարօրինակ Նոր տարի են նշում. այսպիսի զարհուրեկի տիկնիկներ մարդիկ պատրաստում են պայեմաշեից, նախապես, երկար չարչարվելով: Սրանք կոչվում են օգո-օգո, այսինքն՝ չար հոգի: Տոնից առաջ, ցերեկը սկսվում է հսկայական շքերթը, հարյուրավոր տիկնիկներ հանում են փողոց ու դուրս են քշում իրենց տներից, քաղաքներից, երկրից ու իրենց կյանքից: Հետո, երբ վերջանում է քշելու շքերթը, հանգիստ, լուս գնում են տներով ու իրենց սիրելի բինձններուն: Նոր տարին Բալիում լուս են նշում:



Հնդկաստան

Տես՝ ի՞նչ գոյներ են. գունավոր մարդիկ, գունավոր տներ ու փողոցներ, գոյների, ծաղիկների ու զարդերի մեջ կորած փղեր... Այ սա տոն է, ուրախություն... Հնդիկները տոնին բուսական ուտելիքներ են սարքում, մեջ շատ տոր համեմունքներ են լցում ու հավատում են, որ դրանք ուտելով՝ այդ տարի իրենք երջանիկ կլինեն: Քանի որ կովն իրենց համար սուրբ կենաչն է, Նոր տարվա առաջին օրը հնդիկները մեծարում են կովին, հետո դուրս են գալիս փողոց՝ իրենց յուրօրինակ ազգային երգ ու պարով լցում փողոցներն ու իրենց հոգիները:



Շոտլանդիա

Շոտլանդացիք «վառում» են իին տարին. իին տարին մի փայտ տակառ է, որը այրելով՝ գլորում են փողոցներով: Երենք է հագնված, ինչպես իրենց նախնի վիկինգները, զենք ու զրահը կապած՝ ուղեկցում են գլորվող կրակը: Հենց այրվեց-վերջացավ, Նոր տարվա մուտքը բացվում է: Տանտերերը լուս ու հանդիսավոր բացում են իրենց տան դուռը, դուրս անում իին տարին ու ներս թողնում Նոր տարին:



Ճապոնիա

Հենց Նոր տարին է մոտենում, ճապոնացիները սկսում են բարձր ծիծաղել: Հա, ծիշտ եմ ասում, մի՛ ծիծաղիր: Այսինքն, ուզում են՝ ծիծաղիր... Ճապոնացիները իրենց ծիծաղով հաջողություն ու երջանկություն են կանչում իրենց տները: Եթե երեխաները մի վատ բառ են ասում, նրանց ծնողները չեն բարկանում, այլ լուս մաքրում են նրանց բերանը հատուկ այդ արարողության համար պատրաստած կտորով: Բոլոր ընտանիքները մեծ օճի տեսքով օդապարուկներ են սարքում, ներկում են վառ գոյներով և գիշերը թոցնում: Հենց արևի առաջին ճառագայթները երևում են, մարդիկ ուրախ գրկախառնվում են ու իրար արևով շնորհավորում:



 Իսկ գիտե՞ս՝ որն է Նոր տարին ու Սուրբ Ծննդող նշելու ամենատարածված ձևն ամբողջ աշխարհում. մեծ թե փոքր, հարուստ թե աղքատ՝ բոլորը միասին աղոթում են, որ աշխարհը լինի խաղաղ: Ինչպես այս աֆրիկացի երեխաները...

Ինձ ու քեզ, նրանց ու բոլո՞ր-բոլորին մե՞ծ, պայծառ ու լուսավոր երկինք են ուզում, վա՞ռ գոյներով ու ուրախություններով լի մանկություն ու ծիծաղ, բա՞րձր ու անհոգ ծիծաղ ամբողջ աշխարհում:

Ծնորհավո՞ր Նոր տարի ու Սուրբ Ծննդ






Արի Խաղանք

Գիտես, չ՞, որ Հիսուս Քրիստոսը ծնվել է Բեթղեհեմ քաղաքում: Այդ օրերին հրամայված էր՝ ամեն մարդ գնա իր հայրենի քաղաքը և իր անոնը գրանցի այստեղ: Իսկ Հովսեփը ծնվել էր Բեթղեհեմում: Երբ Սարիամն ու Հովսեփը հասան Բեթղեհեմ, հյուրանոցները զբաղված էին, և նրանք մնալու տեղ չգտան: Գիշերը մոտենում էր, և նրանք ստիպված էին տեղափորձել անասունների փարախում: Հենց այդ գիշեր այդ փարախում էլ ծնվեց Հիսուսը, իսկ անասունների կերամանը՝ մսուրը, դարձավ նրա օրորոցը:


**Օգնիր Հովսեփին ու
Սարիամին՝ գտնելու
փարախի ձանապարհը:**



Հիսուսի ծննդյան գիշերը փարախի մոտակայքում հովհանքներ կային, որոնք արթոն հսկում էին իրենց հոտերին: Հանկարծ ապշած հովհանքների առաջ լոյս ձառագեց, և հայտնվեց հրեշտակը, որն ավետեց Աստծո որդու՝ Փրկչի ծնունդը: Հրեշտակը ցոյց տվեց, թե հովհանքները որտե՛ղ կարող են գտնել նրան: Հովհանքները փարախ մտան ու տեսան նորածին Հիսուսին:

Ներկիր

- 1 կապոյտ
- 2 դեղին
- 3 կարմիր
- 4 կանաչ
- 5 շագանակագույն
- 6 երկնագույն
- 7 նարնջագույն



Հիսուսի ծնվելու մասին գիտեին էին նաև արևելքում ապրող երեք իմաստուն: Նրանք Նվերներով գալիս էին Փրկչին տեսնելու: Իմաստուններին ձանապարհը ցոյց էր տալիս երկնքում փայլող մի մեծ, վառ աստղ, որին հետևելով՝ նրանք եկան, գտան ու երկրագեցին մանուկ Հիսուսին:

Թվերի հերթականությամբ կետերն իրար միացրու և կտեսնես, թե իմաստուններն ինչպես գտան ձանապարհը:





ԵՐԱԿԻՐՈՒՄ
ԵՄ ԿԱՐԴԱՐ

Սուրբ Ծննդյան իեփիար

Սուրբ գիշերը մեղմ հանդիսավորությամբ իջավ երկրի վրա: Բեթղեհեմում, աղքատիկ մի քարայրում ծնվեց աշխարհի Փրկիչը:

Հովհանները, լսելով հրեշտակների ավետիսը, փառաբանում են Աստծուն: Մոգերը, հետևելով ուղեցույց աստղին, հեռավոր արևելքից շտապում են, որ տեսնեն ու երկրագգեն Աստվածային մանկանը: Ոչ միայն մարդիկ, այլ նաև քարայրը հովանի անող ծառերը, շորջը սփռված մարգագետնի խայտարդետ ծաղկները, բոլորը յուրովի մասնակից են Ծննդյան մեծ իրադարձությանը: Ուրախ ծփում են նրանք՝ կարծես խոնարհվելով Աստվածային մանկանը: Եվ տերևների հրձվագին սոսափյունի մեջ, և՛ խոտի շրջունի մեջ կարծես զգալի է նրանց ակնածանքը. հրաշքը տեղի ունեցավ:

Բոլորը ձգտում են տեսնել նորածին Փրկչին. ծառերն ու թփերը մեկնում են իրենց ջյուղերը, ծաղկները բարձրացնում են գլխիկները՝ ջանալով հայացք գցել քարանձավի ներսը, որը հիմա վերածվել է սուրբ տաճարի:

Ամենաերջանիկը մուտքի առաջ կանգնած երեք ծառերն են. նրանց լավ են երևում մսուրն ու դրա մեջ խաղաղ քնած նորածինը՝ հրեշտակների բազմությամբ շրջապատված: Մեկը սլացիկ արմավեսնին է, մյուսը անուշաբույր ձիթենին է, երրորդը համեստ կանաչ եղևնին է: Ավելի ու ավելի ուրախ ու ոգևորված է դառնուած նրանց սոսափյունը, և հանկարծ այդ սոսափյունի մեջ հստակ լսվում են բառեր.

- Արի մենք ել գնանք ու խոնարհվենք Աստվածային մանկանը ու նրան մեր նվերները մատուցենք,- ձիթենուն դիմեց արմավեսնին:

- Ես ե՛լ գամ ձեզ հետ, - երկշոտ շշնչաց եղևնին:
- Դու՞ զայիս ես՝ ինչ անես, - գոռող ասաց արմավեսնին:
- Դու ի՞նչ ունես նրան նվիրելու, բացի քո սուր ասեղներից, - ասաց ձիթենին:

Եղևնին խեղձացած լրեց ու հետ քաշվեց՝ չհամարձակվելով մտնել երկնային լոյսով լցված քարայրը:

Հրեշտակը լսեց ծառերի խոսակցությունը, տեսավ արմավենու և ձիթենու գոռողությունը, տեսավ եղևնու համեստությունը: Նա խղճաց եղևնոն և իր հրեշտակային բարությամբ ուզեց օգնել նրան:

Սլացիկ արմավեսնին խոնարհվեց Մանկանն ու նրա առաջ փռեց իր ամենաշքեղ ջյուղը:

- Թող այն քեզ զովացնի՛ շոգ օրերին, - հանդիսավոր ասաց նա:
- Ձիթենին ել իր ջյուղերը խոնարհեց. դրանցից անուշաբույր յուղ կաթաց, և

ամբողջ քարայրը անուշ բույրով լցվեց:

Տխուր, բայց առանց նախանձի, եղևնին նայում էր այս ամենին: «Նրանք ձիշտ են, - մտածում էր նա, - ես չեմ համեմատվի նրանց հետ: Ես այնքան աղքատ եմ, մի՞թե ես արժանի եմ մոտենալ Աստվածային մանկանը»:

Բայց հրեշտակն ասաց նրան:

- Քո համեստությամբ մի՛ նվաստացրու քեզ, սիրելի՛ եղևնի, ես կմեծարեմ ու կզարդարեմ քեզ:

Եվ հրեշտակը երկինքը լի էր փայլուն աստղերով: Հրեշտակը նշան արեց, և աստղերը մեկը մյուսի հետևից ցած թափվեցին՝ ուղիղ եղևնու կանաչ ձյուղերին: Եղևնին ամբողջովին շողշողաց ու փայլվիեց: Եվ երբ Աստվածային մանուկն արթնացավ, նրան չօրավեցին ո՛չ քարայրի անուշ բուրմունքը, ո՛չ արմավենու շքեղ հովհարը: Նա նկատեց շողշողուն եղևնին, ժպտաց ու թաթիկները մեկնեց դեպի եղևնին:

Ցնծաց եղևնին, բայց չգոռողացավ, այլ իր փայլով լուսավորեց ստվերում ամոթից գիշահակ կանգնած ձիթենուն ու արմավենուն: Չարին նա բարությամբ էր պատասխանում: Հրեշտակն այդ տեսնելով՝ ասաց:

- Բարի ես դու, սիրելի՛ եղևնի, ու դրա համար կպարզաւարովես: Ամեն տարի այս ժամանակ դու կփայլես տոննական լոյսերի մեջ, և երեխաները կուրախանան քեզնու: Դու կդառնաս Սուրբ Ծննդյան տոնի խորհրդանիշը...





Տոնածառ

Գիտեի՞ր, որ եղևնին վերջերս՝ մի 150 տարի առաջ է միայն դարձել Սուրբ Ծննդի ու Նոր տարվա անփոխարինելի զարդը ու հայտնվել բոլորին տներում: Իսկ մինչ այդ՝ մոտ 200 տարի առաջ, եղևնին զարդարում էր միայն Եվրոպայի թագավորական շքեղ պալատները:

Այսօր աշխարհում միլիարդավոր եղևններ են կտրվում՝ մի քանի օրվա համար: Ես դեմ եմ դրան: Փոխարենն առաջարկում եմ մի անգամ զնել մի լավ, մեծ արհեստական եղևնի ու ամեն տարի նոր ձևով զարդարել այն: Իսկ եթե շատ ես ուզում բնականն ունենալ, ձեր բակում, այգում տնկիր մի փոքրիկ եղևնի, թող թիզքիչ մեծանա ու հենց դրսում է զարդարի:



Տոնածառի խաղալիք

Այն, պարզվում է, տոնածառից հին է. մոտ 400 տարվա պատմություն ունի: Զարմանալի է, չէ՞ որ խաղալիքը գոյություն է ունեցել տոնածառից առաջ: Դրանցով ուղղակի տներն են զարդարել: Կամ իրար են նվիրել՝ որպես տոնի բացառիկ, թանկարժեք նվեր: Բա կարծում ես՝ հին ժամանակներում ամեն քայլափոխի խաղալիք վաճառով մ էին. իհարկե՝ ոչ: Տոնածառի խաղալիքը պատրաստում էին Եվրոպայի հնուտ ապակեգործները. ապակին հալեցնում էին կրակի վրա, փչում էին, ու ապակին դառնում էր կլոր: Պատկերացրի՞ր: Սառելուց հետո վրան նկարում էին, նախշում... Պարզ է, որ խաղալիք սարքելը խաղալիք չէր, այլ լուրջ գործ: Իհարկե, կային նաև ստվարաթղթից կտրտած գազանիկներ, թաշուններ, աստղ ու լուսին, արև, փաթիլ...



Տոնածառի նորացնություն

Այ քեզ թիթիզություն... Ամեն տարի դիզայներները մի նոր բան են մտածում՝ եղևնին ավելի ձաշակով ու սիրուն զարդարելու համար:

Լավ են նայվում կապոյտով ու կաթնագոյնով զարդարված եղևնիները. պատկերացնո՞ւ ես՝ ի՞նչ սիրուն համադրություն: Նոյն ձևով կարող ես համադրել կարմիրն ու ոսկեգոյնը:

Այս տարի, ասում են դիզայներները, լավ կլինի շատ խաղալիքներ կախես. այնպես, որ կանաչ ծառը համարյա կորի գոյների մեջ: Կոր խաղալիքներից բացի՝ կախիր զանգակներ, աստղիկներ, փաթիլներ...

Այսքանը՝ դիզայներների կողմից: Իսկ ես քեզ ասեմ, որ միշտ, բոլոր տարիներին էլ նորաձև են արտասովոր, անկրկնելի տոնածառերը: Գուցե մի փայլուն մի՞տք գտնես: Մտածիր, լավ մտածիր, դեռ ժամանակ կա: Չո երևակայությունը կարող է ավելի հետաքրքիր բաներ գտնել:

Մի քիչ հուշե՞մ. օրինակ՝ զարդարելու համար կարելի է օգտագործել կտորներ, գունավոր պարաներ: Կարող ես օրիգամիից խաղալիքներ սարքել: Ծղոտը նոյնպես հրաշալի նյութ է խաղալիքի համար: Համ էլ ծղոտով շատ վաղուց են խաղալիք սարքել, քանի որ այն խորհրդանշում է մսուրը, որտեղ քնել է նորածին Հիսուսը:

*Տես, թե ի՞նչ բազմազան գաղափարներ են հուշում
նկարները: Դե, մի բան էլ դու՛ մտածի՛ր:*



Շնառային կյուրտ՝ Ձ

- զունավոր թեշա
- մկրատ
- սոսինձ
- ովունքներ
- բամբակ
- հաստ թել
- ասեղ
- գնդասեղ
- և իմ ներդիր-ձևաթուղթը



Ներդիրից կտրտիր ձևաթղթերը:



Ձևաթղթը գնդասեղով ամրացրու կտորին:



Նոյն ձևով կտրտիր մյուս դետալները:



Ձևաթղթը եղրագծիր կտորի վրա:



Կտորը կտրիր եղրագծով:



Դետալները հերթով իրար կարիր:



Դուրիվ կարած՝ արակից մտցրու բամբակը:



Ամրոջությամբ կարիր եղրերը:

Իսկ փոքրիկներին 6 տարեկան հնեսան առաջարկում է այսպիսի շղթաներ սարքել թղթից ու թեշայի ավելցուկներից:
Լավ միտք է, չ՞:

Ոսկեճեղիկ

Հը, ոգևորվեցի՞ր: Գուցե դու՝ է սարքես այս խաղալիքներից ու քո ձեռքի աշխատանքով զարդարես ձեր տան տոնածառը: Հետո հյուրերի մոտ կհպարտանաս, որ ոչ ոք տոնածառից չունի: Լուսանկարն է ինձ ուղարկիր, դե գիտես՝ շատ եմ ուրախանում, երբ մի բան ես սարքում: Լավերը կտպագրեմ:



Եսեմ



**Անդիա Ահամայան, 8 տ.
Երևանի Ն 8 դպրոց
ԱՄԻ ակունք**

Մարիային ես հանդիպել եմ ԱՄԻ ակումբում: Մարիան գրում է շատ երկար հերթափառ արքայադուստրերի մասին:

- Երազում եմ թագուհի դառնալ: Ինչո՞ւ: Որ իրամաններ տամ: Օրինակ, երբ ընկերներով վիճում ենք, ուզում եմ հրամայել, որ հաշտվեն: Կիրամայեի, որ հիվանդություններ չլինեն, որ մարդիկ բարի լինեն, միշտ ծիշտ խոսեն, չկովեն, չչարանան:

Մարիան նաև այ այսպիսի աշխատանքներ ունի, որոնք ԱՄԻ ակումբում ե սովորում պատրաստել:

- Այստեղ խաղում ենք, ավազով ենք զբաղվում: Տարբեր բաներ ենք պատրաստում կտորից, կոնից, թթից, խմորից, կավից, պատրաստիլինից: Սիրում եմ, երբ ծնունդ գնալուց իմ ձեռքով սարքած նվերն եմ նվիրում:

- Ե՞ս: Ես բարի եմ, ընկերասեր, խելացի եմ... Երբ եմ ուրախ լինո՞ւմ: Երբ դասերս անում եմ ու կարող եմ խաղալ, իմ ծննդյան օրն եմ ուրախանում: Տիրում եմ, երբ ընկերուհու հետ չեմ կարողանում լեզու գտնել: Հենց հաշտվում ենք, նորից ուրախանում եմ:

- Նոր տարին շատ եմ սիրում. տարբեր բաներ ենք պատրաստում, տներն ենք զարդարում: Անցյալ տարի մենք մեր ձեռքով էինք սարբել մեր տան խաղալիքներն ու զարդարանքը... Սիրում եմ, երբ Նոր տարվա գիշերն է գալիս, Զմեռ պապիկն է նվեր բերում: Երբ արթնանում եմ, նվերները կան, բայց իրեն երբեք չեմ տեսնում: Ինչ կիարցնեի, որ հանկարծ տեսնեի՞: Կիարցնեի՝ ինքը իրականում կա՞, թե՞ չկա...

- Երազանք: Ունեմ, բայց չեմ ասի... ☺



**Հոհիփիմեն Գրիգորյան, 9 տ.
Երևանի N 166 դպրոց**

Ձյուն

Դրսում ձյուն է գալիս,
Փաթիլներն են վար իջնում,
Նրանք շատ փափոկ են
Ու շատ խրթխրթան:
Բայց մի փիսիկ կա դրսում,
Նա շատ, շատ է մրսում:
Արի՝ քեզ մեր տուն տանեմ,
Գովաներ տաք հազցնեմ,
Մենք միասին կիսաղանք
Իրար հետ կընկերանանք:

Առաջին ձնեմարդը


Ձնեմարդը առաջին
Կանգնել էր բակում:
Նա նայում էր բոլորին
Եվ ուրախ ժպտում:

Նա փոքրիկ է, սիրունիկ:
Գլխին ունի մի լոլիկ,
Փայտից բերան, փայտից ծեռք:
Բարևում է մեզ շատ ջերմ:

Նոր տարին է մոտենում,
Ձնեմարդն է այն բերում,
Ձնեմարդը առաջին,
Որ կանգնած է մեր բակում:

Բորոնիկը

Գնդիկ բորոնիկի հերթափում ես նկատել եմ զարմանալի բաներ: Չարմացա, որ նա ունեցավ աչքեր, քթիկ, բերան: Որոշեցի մեր տանն էլ ունենալ այդպիսի ընկեր: Այսուր վերցրի ու պատրաստեցի մի կարմրաթշիկ բոքոնիկ: Դրեցի այն պատուհանի գոգին ու պառկեցի քնելու: Առավոտյան, երբ արթնացա, նա չկար: Ես գնում էի դպրոց ու ծանապարհին աչքերով փնտրում էի նրան: Բայց նա չկար: Եկա տուն ու սկսեցի տանը նրան փնտրել: Բայց չգտա: Շատ տիբեցի ու սկսեցի լաց լինել: Եկավ եղբայրս ու բացվեց գաղտնիքը: Պարզվեց, որ բկլիկ եղբայրս կերել էր իմ բոքոնիկին:





Ողևիկային մշցումներ

Բոլոր տոներին փուչիկները տոնական տրամադրություն են տալիս: Նոր տարուն և Սուրբ Ծննդին տանն այնքան փուչիկ է լինում, որ անընդհատ ոտքի տակ են ընկնում: Քեզ հիանալի գրադարձունք եմ առաջարկում՝ փուչիկային մրցումներ: Երեխաներով բաժանվեք 2 խմբի, ամեն խումբն ի՞ր շարքը թող կազմի, և մրցեք:

Կենացուրու

Շարքերի առաջին խաղացողները պիտի փուչիկը դնեն ոտքերի արանքը և երկու ոտքով թռչուտելով հասնեն նախօրոք որոշած կետին ու հետ դառնան: Եթե ձանապարհին փուչիկն ընկնի, պիտի վերցնեն ու նորից դնեն ոտքերի արանքը: Ձանապարհն անցնելով ու հետ դառնալով՝ փուչիկը փոխանցում են շարքի հաջորդ խաղացողին, որը պիտի կատարի նույն գործողությունը: Այդպես հերթով խմբի բոլոր խաղացողները պիտի անցնեն: Որ շարքն առաջինն ավարտի խաղը, այդ շարքն էլ հաղթում է:

1 - 0՝ հօգուտ հաղթող խմբի:



Երկու գլուխ, մի փուչիկ

Խաղում են զույգերով: Ամեն շարքից երկու հոգի գլուխների արանքում փուչիկ են դնում և այդպես՝ գլխով պահած, վագում են դեպի նշված կետն ու վերադառնում: Ձեռքով բռնելն արգելված է: Փուչիկը զցելու դեպքում վերցնում են, նորից դնում գլուխների արանքն ու շարունակում: Հետո փուչիկը փոխանցում են հաջորդ զոյգին, մինչև բոլոր զոյգերն անցնեն նույն ձանապարհը: Կրկին հաղթում է այն շարքը, որն առաջինը վերջացրեց մրցարշավը:



Հարուկ ֆուլքում

Կրկին խաղում են զոյգերով: Մեկը պիտի անցնի ու հետ դառնա՝ փուչիկը ոտնաթաթով անընդհատ վեր խփելով, մյուսը՝ իր փուչիկը գլխով վեր խփելով: Ձեռքերով օգնելն արգելվում է: Եթե փուչիկն ընկապ ցած, խաղացողը կրկին վերցնում է ու նոյն կերպ շարունակում ձանապարհը:



Բասկետբոլ

Խմբերի անդամները հերթով փուչիկները ձեռքով հարվածելով գետնին՝ անցնում են ձանապարհը և վերադառնում:



Դիրախ բեռնատառներ

Այս մրցույթի համար պետք է ամեն շարքից մի հոգի 5-ական փուչիկ գրկի ու տեղափոխի որոշված կետը և դատարկածեռն վերադառնա հետ: Հաջորդ խաղացողը պիտի վազի, հավաքի փուչիկներն ու բոլորը գրկած բերի հետ: Փուչիկների պոչերից բռնել չի կարելի:

Բոլոր մրցարշավներում հաղթում է այն շարքը, որն իր մրցակից շարքից ավելի արագ է անցնում ձանապարհն ու առաջինն է ավարտում խաղը:



Սոռացա ասեմ

Եթե հանկարծ խաղի ընթացքում որևէ մեկը փուչիկ պայթեցրեց, նրա թիմը 1 միավոր է կորցնում:



Հավես է, երբ Նոր տարին երգով
է զայս. Նոր տարվա ի՞նչ երգեր գի-
տես:

Այս 2 երգը Ռուբեն Հախվերդյանն
է գրել: Դու նրան հաստատ ձանա-
շում ես. կիթառով կատարում է իր
գրած երգերը: Տեսե՞լ ես «Գտնված
երազը» հայկական մովտը. այն-
տեղի հրաշայի երգերը նոյնպես
Ռուբեն Հախվերդյանն է գրել: Նա
գրում է և՛ մեծերի, և՛ փոքրերի հա-
մար: Նրա երգերը 0-ից 100 տա-
րեկան մարդկանց համար են: Դե, իհարկե, այսպիսի սիրուն, լուսա-
վոր երգեր բոլոր տարիներում էլ
պետք են: Այսպես որ՝ երգիր տոնին
ընտանիքիդ հետ: Իսկ մեղեդին սովո-
րելու համար մտի՛ր իմ ալիքը.

<http://www.youtube.com/urakhgnacq>



Եվ ուղիղ ժամը 12-ին

Եվ ուղիղ ժամը 12-ին
Դուռը կթակի Զմեռ պապին,
Ներս կմտնի նա, ուրախ կժապտա.
- Ծնորհավոր քո Նոր տարին,
Ծնորհավոր քո Նոր տարին:

Թող ուրախ տարի լինի,
Երազանքդ կատարվի,
Թող ամեն տարի
Այս հեքիաթը կրկնվի:

Պայծառ տոնածառը թող փայլի,
Եվ այս օրը հավիտյան
Լուսավորի իր գույներով.
Եվ դու կախարդված գույների մեջ,
Հեքիաթի մեջ լուսավոր,
Դառնաս բարի ու հավատաս,
Որ ամեն տարի տասներկուախն
Դուռը կթակի Զմեռ պապին,
Ներս կմտնի նա, ուրախ կժապտա.
- Ծնորհավոր քո Նոր տարին,
Ծնորհավոր քո Նոր տարին:

Թող վառվեն բոլոր լոյսերը,
Թող հնչեն ուրախ երգեր,
Դու սրբիր քո արցունքները
Ու ժպտա, փոքրիկ ընկեր:

Նոր տարի

Պատիկներ, շուտ հավաքվեք
Ու կլոր շրջան կազմեք,
Երգեք երգն այս ու պարեք,
Նոր տարին դիմավորեք:

Նոր տարի, Նոր տարի,
Գալդ թող լինի բարի:

Պայծառ ժպտով արի,
Դու բարի մեր Նոր տարի,
Բոլորիս երազանքները
Այս տարի դու կատարի:
Բեր անուշ կարկանդակներ
Եվ ուրախ ու նոր խաղեր,
Բեր նվեր՝ հոյսեր ու սեր,
Մեր բարի, մեր լավ ընկեր:

Նոր տարի, Նոր տարի,
Գալդ թող լինի բարի:

Իսկ հետո կեսզիշերին
Հյուր կզա Զմեռ պապին
Ու կասի նա բոլորին՝
Ծնորհավոր ձեր Նոր տարին:

Նոր տարի, Նոր տարի,
Գալդ թող լինի բարի:



Իմ սիրելի
մովտը

Բնեոյին ճեպընթացը



Այսպես է պատահում, որ ինչքան մենք մեծանում ենք, այնքան քիչ ենք հավատում իրաշքներին: Հենց այդպես էլ այս մովտի տղային. մեծանում էր և այլս չեր հավատում, որ կա Ձմեռ պապ կամ Սանտա Կլաուս, ինչպես նրան անվանում են ԱՄ-ում: Բայց Ծննդյան տոնից ուղիղ հինգ պակաս նրա դրան առաջ կանգնում է մի շքել ճեպընթաց, որը նրան տանելու է Հյուսիսային բևեռում:

Մովտ, թե Փիլս

Այս մովտը նկարվել է հատուկ տեխնիկայով: Սկզբում իսկական դերասանները նկարահանվել են, ինտ մովտիպիկատորը հատուկ սարքերով նրանց շարժումները թվայնացրել է: Փաստորեն, մովտի հերոսները կրկնում են դերասանների շարժումները: Եվ զարմանալին այն է, որ այս մովտում մի դերասան՝ Թում Հենքը, խաղացել է միանգամից հինգ դեր:

Ես կարծում եմ, շատ սիրուն է նկարված բնությունը: Զգացվում է ծակծկող ծյան սառնությունը, իհանալի են ծյան մեջ թաղված անտառները, սարսափազդու է գայլերի ոհմակը, սիրուն են եղօերուները... Բայց երեխաների դեմքերի ոչ այն է՝ իսկական, ոչ այն է՝ նկարված լինելն ինձ մի տեսակ խանգարում էր: Դա իմ՝ ուրախ գնացքի կարծիքն է: Դո՞ւ ինչ կասես:



Ճիշտն ասա, դու կիրաժարվեի՞ր նատել այդ ճեպընթացը, կիրաժարվեի՞ր այդախի ճամփորդությունից... Իհարկե, ոչ: Եվ ծիշտ էլ կանեիր: Մովտում ասվում է. նոյնիսկ երբ չգիտես, թե ուր է գնացքն ուղևորվում, կարևորը նստե՞ս այն: Ու գիտե՞ս, ո՞ւ շատ կարևոր է: Միայն գնացքի մասին չել խոսքը: Կյանքում կարևոր է տրված հնարավորությունները բաց շրողնելը: Անպայման օգտվիր հնարավորությունից, եթե նոյնիսկ չգիտես, թե այն ուր է քեզ տանելու: Մեկ է տեսար՝ այն քեզ քո երազանքին հասցրեց...



Հետաքրքիր բաներ, որոնք տեսնում են այս մովտում

Հյուսիսային բևեռ

Որտե՞ղ է այն, գիտե՞ս. երկրագնդի ամենահյուսիսային կետն է: Փորձի՛ր գտնել գլոբուսի վրա:




Բնեուափայլ

Օ՛, ո՞ւ մի իրաշք է, որը լինում է միայն Հյուսիսային կամ Հարավային բևեռներում: Այն գիշերային երկնքում տարբեր գույններով փայլիկացող լուս է: Շատ գեղեցիկ է:



Ամերիկյան բլուրներ ատրակցիոն

Երբեւ նստած կա՞մ: Մովտում գնացքի հզոր վայրէջք-վերելքները նման են ամերիկյան բլուրներ ատրակցիոնին: Նայելիս շունչ կտրվում է, բա որ նստե՞ս...



Կանադական եղջերու

Այս գեղեցիկ, դիմացկուն կենդանիներն ապրում են Կանադայում: Նրանք չեն վախենում սառնամանիքից տաք մորթու շնորհիվ: Տե՞ս, ինչ շքել եղջուրներ ունեն...



Ճեպընթաց

Մովտում ի՞նչ տպավորիչ է իմ ընկերը՝ ծեպընթացը... Հզո՞ր, շքե՞ն, գալտնիքներով լի՛... Հասկանում ես, չե՞, թե ո՞րն է ծեպընթացը. շատ արագ գնացող գնացքը: Մովտում այնքան մանրամասն է նկարված գնացքը, որ տեսնում ես, թե ինչպես է այն աշխատում, ի՞նչ կառուցվածք ունի...



ԷլՓ

Էլֆերը հեքիաթներում բնության ոգիներ են: Նրանք գիտեն բնության գաղտնիքները ու կարողանում են կախարդել: Ասում են՝ Էլֆերը Սանտա Կլաուսի օգնականներն են:




Նայի՛ր մովտը, ու թող որ այն բազմապատկի Ամանորի ու Սուրբ Ծննդյան բու տոննական տրամադրությունը:





Եթե քո սիրտը բաց է

Դու հավատո՞ւ ես հրաշքներին: Թե՞ այն մարդկանցից ես, որոնք ասում են՝ մինչև աշքովս չտեսնեմ՝ չեմ հավատա... Այո, կան մարդիկ, որ հենց այդպես են ապրում: Իրենց առօրյա գործերով տարված՝ չեն նկատում, թե որքա՞ն անհավանական ու անբացատրելի բաներ կան կյանքում: Օրինակ՝ ինչպե՞ս է, որ արևն ամեն օր ծագում է ու ոչ մի օր չի մոռանում դա անել: Կամ՝ ինչպե՞ս է, որ օվկիանոսի հատակին ապրում է մի ամբողջ ջրային աշխարհ: Կամ՝ ինչպե՞ս է, որ մարդու ներսում մի գերծշգրիտ գործարան է աշխատում, որի շնորհիվ մենք շնչում ենք, մտածում ենք, ծնվում ենք: Հենց քո ծնվելը մի՞թե հրաշք չէ: Հրաշք չէ՝ հենց այն, որ դու կա՞ս: Այո, այդպես է, միայն թե այս ամենը կարելի է ընդունել որպես սովորական բան, որ այդպես է պետք է լինի: Բայց նաև կարելի է ամեն պահի մեջ տեսնել, նկատել, զգալ հրաշքը, որից քո կյանքը կդառնա ոչ թե սովորական, այլ հրաշքներով լի: Հրաշքները մեր կողքին են, դրանք ամենուրեք են: Բավական է հավատալ դրանց ու կտեսնես...



Հավատա՞ ու կլսես,
հավատա՞ ու կտեսնես,
հավատա՞ ու կզգաս...

Այս կարևոր բանի մասին է Ամանորին ու Սուրբ Ծննդին նվիրված «Բնեռային ձեպընթացը» մովսը:

Տղան ոչ մի կերպ չեր լսում Սուրբ Ծննդի խորհրդանիշի՝ զանգովակի զնզգնզոցը: Որովհետև չեր հավատում հրաշքին: Բայց երբ նա փակեց աչքերն ու ամբողջ սրտով ուզեց հավատալ, հանկարծ իսկապես սկսեց լսել: Նա սովորեց հավատալ... Այդ զնզգնզոցը նա կլի միշտ, նոյնիսկ երբ մեծանա...

Իսկ դո՞ւ: Դու լսու՞մ ես զանգովակի զնզգնզոցը...


**Ես, ում սիրտը բաց է
հերիաթի համար,
մի օր անպայման
կհայտնի
հերիաթի մեջ...**





Մոլտխաչքառ

- Ո՞սց են կոչվում այն գոյնզգույն լոյսերը, որ փայլիլում էին բևեռային երկնքում:
- Նրանք Սանտա Կլաուսի օգնականներն են:
- Տղայի տան առաջ ի՞նչ էր կանգնած:
- Ո՞ր բնեու էին գնում երեխանները:
- Այդ կենդանիների հոտը կանգնած էր գնացքի ձանապարհին:
- Եա էր երեխաններին ուղեկցում վագոն:
- Ջիշ էր մնում տղան կորցներ այդ կարևոր բանը:
- Ի՞նչ տաք ըմպելիք հյուրասիրեցին երեխաններին գնացքում:
- Այդ կենդանիների ռհմակը մի պահ անցնում էր գնացքի կողքով:
- Ի՞նչ գնացք էր մոլտի գնացքը:



32



ՇՆՐԻՎԱՎՈՐ ԱՄԱՆԻՐ

Չարմացնե՞նք
հարազատներիդ.
Արանց շնրիվորիդ
այս տարբեր
լեզուներով.

ԽՍԱՎԱՆԵՐԵՆ

ֆելի՛զ ա՞նյո նուե՛վո

ՔՐԱՆԵՆԵՐԵՆ

բո՞նն աննե

ԽՌԱԼԵՐԵՆ

բուռն աննու

Եփտիհիսմնն տու նե՛ն Էտու

ՀԻՆԱՐԵՆ

չու շեն տան

ԳԵՐՄԱՆԵՐԵՆ

գո՞տ նյուդո՞ղ

ԲՈՎԼԱՐԵՐԵՆ

չեստի՞տա նո՞վա գոդի՞նա

ՃԱՊՈՆԵՐԵՆ

ակեմաշիտե օմե՞նե

ԱՎԱՐԱԿԵՐԵՆ

սալե նո մոբարաք

ՓԻՆՆԵՐԵՆ

օ՞նսելիստա ուու՞տսա վուո՞տսա

ԿՈՐԵԵՐԵՆ

սեյ հեյ բոգ






ԱՐԻ ԽԱՆԱՆՔ

ՈՒԲՐՈՒ

Ուբրուս լուծել գիտե՞ս: Ասե՞մ ձևը. երբ նկարի սկզբում դրված են մեկ կամ մի քանի ստորակետներ, նկարի անունի սկզբից այդքան տաք հանում ես: Իսկ երբ ստորակետները նկարի վերջում են, այդքան տաք վերջից ես հանում: Այդպես պիտանի տառերը միացնում ես իրար ու ստանում բառեր:

Այս ուբրուի օգնությամբ կկարդաս, թե Էլ ինչպես են հայերն անվանել Նոր տարին:



33



Հրաշքների գիշերը, երբ Լավլանդիայում մութն ընկնում է ու ոչ-ոչինչ չի երևում խորհրդավոր մթության մեջ, երկնքում թույլ տարածվում է տոռնական զանգակների զնզոնզոցը: Դա նշանակում է ժամը եկել է: Ու ամեն երկրի Ձմեռ պապ իր գործին է անցնում. թե ինչ է անում, մենք միայն կարող ենք ենթադրել, բայց հաստա՞ն գիտենք մի բան՝ նա կա, նա զայիս է ու իր հետ բերում է նոր տարվա ու Սուրբ Ծննդի հրաշքը:

Տես, թե ինչպես է դա տեղի ունենում տարբեր երկրներում:

Ֆինլանդիա Յոլուպուկի

Ֆինները Ձմեռ պապին Յոլուպուկի են ասում: Նրա սահնակը թռչում է, նրա եղջերուները խոսում են, նրա պարկը լեփ-լեցուն է նվերներով: Իսկ նրա սիրելի հարցը սա է. «Իսկ դուք լավ երեխաներ եք»: Որովհետև նա միայն լավ երեխաներին է նվեր բերում: Ֆինները հավատում են, որ Յոլուպուկին միլիոնավոր օգնականներ ունի՝ թզուկները, որոնք օգնում են նվերները պատրաստել ու բաժանել երեխաներին: Իսկ լավն են այն երեխաները, որոնք հավատում են հրաշքների ու սպասում են դրանց: Եվ նրանց կյանքում տեղի են ունենում այդ հրաշքները նոր տարվա գիշերն ու միշտ, ամբողջ կյանքի ընթացքում:

Ռուսաստան Զմեռ Դամ Մոռոզկ

Հնում ռուսները հավատում եին, որ ձմեռն աշխարհին հենց Ձմեռ պապն է բերում Սոռոգկոն. սառնամանիքը նրա շնչից է լինում, նրա արցունքներն են սառցե լուլաներ դաշնում ու կախվում տանիքներից, նրա զավազանի հարվածով են սառչում գետերն ու լճերը ողջ Ռուսաստանում: Մրսկաններին ու ցրտից դողացողներին Սոռոգկոն չի սիրում, իսկ նրանց, ովքեր սիրում են ձմեռը, ձյան մեջ թափալվելու ու ձյունով խաղալու հրձվանք է բերում:



Ֆրանսիա Պեր-Նուկ ու Շալան

Ֆրանսիացիների կարծիքով կա երկու Ձմեռ պապ: Մեկին նրանք անվանում են Պեր-Նուել, որը նշանակում է Սուրբ Ծննդի հայր: Նա շատ բարի է, նվերներով լի մեծ կողով ունի: Իսկ մյուսին անվանում են Շալանդ. նա մի ծերով է, որը էլի մորուք ունի, մորթե գլխարկ ու մի մեծ պարկ, լի ծիպուտներով: Դրանք ել չարաձձի և ծովյ երեխաների համար են: Պեր-Նուելը նվերներն իշեցնում է ծխնելոյզով ու դնում երեխաների կոշիկների մեջ, որոնք սիրուն շարված են բուխարու առաջ:

Իտալիա Բեֆանա Դարչավիկ և Բարբր Նատալե

Իսկ իտալացի երեխաներին նվերներ բերում են Բեֆանա պառավիկն ու Բարբր Նատալեն: Բեֆանա պառավիկը 2 պարկ ունի ուսին՝ մեկում շոկոլադ, է, մյուսում՝ մոխիր: Արդեն գիշի ընկար, որ շոկոլադը հասնում է լավ երեխաներին, իսկ չարուկներին՝ մոխիրը: Սուրբ Ծննդյան տոներին նա իր ցախավելին նստած կամ ուղրով շրջում է տանիքներին ու իր գործն անում ծխնելոյզի միջով: Բեֆանան իտալիայի «ամենասարսափելի» ու բարի վիուկն է, որից երեխաները ոչ թե վախենում են, այլ անհամբեր սպասում են նրան: Իսկ Բարբր Նատալեն նոր տարվա գիշերն է նվերներ բաժանում: Այդպես՝ իտալացի երեխաները տոներին 2 անգամ են նվեր ստանում:

Շվեյցարիա Ու Տոմտին

Շվեյ երեխաներին նվերներ է բերում նոր տարվա թզուկը. նա Ու Տոմտենն է, ով, ասում են, ապրում է ամեն շվեյտական տան կեղուղում: Նվերներ բաժանելու գործում նրան օգնում է ձնեմարդուկը, իսկ Նոր տարուն ու Ծննդյան տոներին հրաշքներ գործելու պահին Տոմտենին օգնության են զայիս և դաշտերի չարաձձի մկնիկները, և վիուկները, և Զյունե թագուհին, և երկնային փերիներն ու տրոյերը, որոնց մասին քեզ դեռ պատմելու եմ:



Չինաստան Չան Դան Լունդեա

Չինաստանում Նոր տարին գալիս է ոչ թե մեզ ծանոթ եղևնիվ, այլ «լույսի ծառերով»: Չինացիները ծառը զարդարում են այնպես, ինչպես ընդունված է իրենց երկրում՝ փոքրիկ լապտերիկներով, գունավոր շղթաներով ու ծաղիկներով: Չինացիներն ունեն իրենց Զմեո պատրիկը, որը փոքրամարմին, բարի պատրիկ է ու գալիս է ավանակի վրա նստած: Նա շատ ձարակի է ու մարզված, այկիդո և ուշու է պարապում:

Յակուտիա Երես Դիլ

Յակուտիայի Զմեո պատրիկը երևի ամենաարտասովոր անունն ու տեսքն ունի. ասեղնագործ շրեղ հագուստ, զիխա՛րկ... Նա հյուսիսի տիրակալն է: Եխեն Դիլի միակ հարստությունն իր ցոլն է. նրանից է կախված, թե ձմեռը որքան ցոլտ կլինի Յակուտիայում: Ցուլը, ասում են, դուրս է գալիս օվկիանոսի սառուցներից, ու նրա կոտոշները սկսում են աճել: Կոտոշները որքան բարձր են լինում, այսքան շատ է իջնում օդի ջերմաստիճանը: Գարնան կողմ նրա կոտոշները պոկվում-ընկնում են, ու դա խորհրդանշում է տաք եղանակների սկիզբը: Իսկ եթք արևն է դուրս գալիս, ցուլը սատկում է, բայց հաջորդ ձմեռ ցրտերի հետ նորից է գալու:

Ամերիկա, Անգլիա, Կանադա Ամերս Կլաուս

Ասում են՝ իին ժամանակներում մի եկեղեցական է եղել՝ Սուլը Նիկողայոսը: Նա օգնել է խեղճերին ու աղքատներին, բայց քանի որ չի ցանկացել այդ մասին բոլորն իմանան, թաքուն է արել. գիշերով, մթության մեջ, երբ բոլորը քնած են եղել, ու կեդրամներ է զցել աղքատների դռան առաջ դրված կոշիկների մեջ ու քաղցրավենիք թողել պատուհանի գոգին: Դե, բնական է, ամենաշատն ուրախացել են տան երեխաները, սիրել ու միշտ սպասել են Սուլը Նիկողայոսին իր գաղտնի նվերներով: Այսպես էլ սկսվել է Սանտա Կլաուսի պատմությունը:



Նկարիչ՝ Վաչագան Մանուկյան

Իսկ մեր իին հայկական Կաղանդ պապը գուղաների սիրահար էր ու երեխաների նվերներն ու անուշեղենը երդիկից կախ տված գուղաների մեջ էր թռողնում:





Մեր Զմեռ պապն ու նրանց Սանտա Կլաուսը

Զմեռ պապ, թե Սանտա, ի՞նչ տարբերություն, կարևորը՝ նվեր թերի, հաստատ մտածեցիր այս պահին: Բայց սպասի՞ր, բա չհասկանա՞ք, թե ով ով է:



Գլխարկը

Գլխարկն է նրանց առաջին տարբերությունը. Սանտայի գլխարկը նման է հեքիաթային թզուկների գլխարկին, իսկ Զմեռ պապի գլխին ծանր ու լուրջ փափախ է՝ սպիտակ մորթե երիզով:



Հագուստը

Զմեռ պապը երկա՞ր, գետնին հասնող մուշտակ է հագնում, որի տակ չեն երևուած նրա ոտքերը: Իսկ Սանտան կարմիր կարծ բաձկոնով է ու կարմիր տարատով, ոտքերին սև երկարաձիտ կոշիկներ են:



Մորուքը

Սանտան կարծիկ կոկիկ մորուք ունի ու չարաձձի թեղեր: Իսկ Զմեռ պապի ծյունաձերմակ մորուքը երկա՞ր-երկար է ու պատկառելի տեսք է տալիս նրան:



Ակնոցը

Սանտան ակնոցով է ու սիրում է չարաձձի ժահտով նայել ակնոցի վերևից: Իսկ Զմեռ պապը ակնոցի կարիք չունի. Նա փայլուն տեսողություն ունի:



Նվերները

Զմեռ պապը գավազան ունի, ոտքով է շրջում ու թե ինչպես է հայտնվում՝ առեղծված է մեզ համար: Նվերները հանում է իր մեծ պարկի միջից: Իսկ Սանտան եղնիկներով սահնակ ունի, դրանով թռչում է երկնքով ու նվերները թռողնում է բուխարուց կախված գունավոր գուլպաների մեջ:



Չյունանուշ

Զմեռ պապը թռողիկ ունի՝ Չյունանուշը, որն ուղեկցում ու օգնում է պապին նվերները բաժանելիս: Իսկ խեղճ Սանտան Չյունանուշիկ չունի:



Արի խաղանք



Քեզահագին բան պատմեցի. դե հիմա գտի՞ր տարբերությունները մեր Զմեռ պապի ու նրանց Սանտա Կլաուսի միջև:



Ինչ կա-չկա



Եվրատեսիլի մեր հայրանակը

Արևի մարդ Ելիզաբեթը

Ելիզաբեթն իմ հին ընկերներից է. ես նրա մասին արդեն պատմել եմ իմ գարնան համարում, հիշո՞ւ՞մ ես: Եվրատեսիլից հետո ո՞նց նորից չտեսնեի նրան...

- Ուռա՛, վերջացավ...

Խոսքը Եվրատեսիլի մասին է, գլխի ընկար, իհարկե: Թեև Եվրատեսիլը տոն է, բայց մասնակիցների համար դրանք հսկայական ջանքի, հուզմունքի, հոգնածության օրեր են: Ելիզաբեթն ասում է, որ չնայած դրան՝ իր կյանքի ամենակարևոր իրադարձությունը Եվրատեսիլն է: Ես էի ասում եմ Ելիզաբեթին, որ հաստատ վերջին ամենակարևորը չէ, ու որ ամեն ինչ նո՞ր նոր է սկսվում նրա կյանքում:

- Ամենահետաքրքիրն այն էր, որ իտալացի տղայի ելույթի ժամանակ հանդիսատեսը գոռում էր. «Ար-մե՛-նիա, Բե՛-թի»: Ես կովկաներից լսում էի ու շատ էի ոգևորվում:

Մալթայում ես շատ ընկերներ գտա. բուլղարացի, բելառուս, վրացի մասնակիցների




հետ մտերմացա, իիմա ինտերնետով ենք շփվում: Իրար հեշ չեինք նախանձում, հակառակը, մեկս մյուսին ասում եր՝ քեզ հաջողություն... Իտալացու ելույթից առաջ ես նրան ասացի՝ «Վինչենցո՛, դու կհաղթես»: Նա ասաց՝ «Օ՛, շնորհակալ եմ, իսկ իմ կարծիքով դու ես հաղթելու»: Իսկ երբ նա առաջին տեղը գրավեց, մոտեցավ ինձ ու ուրախ ասաց. «Դու ձիշտ եիր...»:

Ես ուրախ եմ, որ ես երրորդն եմ, չնայած շատ քիչ միավորով եմ պակաս երկրորդից: Բայց 3 թիվը միշտ կարևոր թիվ է եղել իմ կյանքում...

- Նոր տարուն շատ եմ սպասում: Սիրում եմ տոնական զարդարանքը, տոնածառն ինձ ոգեշնչում է, որից շունչ է լինում տանը: Սիրում եմ նոր տարվա գիշերը, նոր տարվա ֆիլմերն եմ շատ սիրում ու այն, որ վերջապես կիանգստանանք...

Զմեռ պապիկին
նամակ դեռ չեմ
գրել, բայց կուզեմ
աստղադիտակ, որ
տեսնեմ լուսինը,
ամենամեծ աստղն
ու Փոքրիկ իշխանի
մոլորակը...



Ուրախ խոհանոց



Այսօր մեր խոհանոցը շա՞տ ուրախ ու տոնական է: Բա ուրիշ ո՞նց տոներն են մոտենում: Իսկ աստղը, դե գիտես, Սուրբ Ծննդյան տոնի ու Նոր տարվա խորհրդանշն է: Ահա թե ինչու եմ քեզ առաջարկում այս անուշ ու պիրուն աստղիկներով լցնել ձեր տոնական սեղանը: Բա հո՞տը... սարքելուց կզաս:

ԵՐԵՎԱՆԸ ԱՏԴԻԿՆԵՐ

- ★ 1 նարինջ
- ★ 100 գրամ կարագ
- ★ 150 գրամ այլուր
- ★ 25 գրամ սպիտակածավար (մաննի)
- ★ 70 գրամ շաքարավազ
- ★ աստղիկներ կտրելու կաղապար



Զերոցը տաքացրու 170 աստիճան: Սպիտակածավարի վրա լցրու այլուրը: Լավ խառնիր:



Նարնջի կեղևն անցկացրու քերիչով: Մանր:



Ավելացրու կտրտած կարագը: Լավ տրորիր:



Կեղևն ու շաքարավազը ավելացրու խմորին: Խառնիր:



Անկեղև նարինջը կիսիր: 2 թեյի գդալ հյութ լցրու խմորի մեջ:



Լավ հունցիր:



Խմորը գրտնակով բացիր: Բարակ:



Կաղապարով աստղիկներ կտրտիր: Սիրուն:



Թափան յուղով պատիր, աստղիկները մեջը շարիր: Կոկիկ:

Որպեսզի աստղիկները

տափակ մնան,

պատառաքաղով

ծակծկիր:



Թխիր 15 րոպե:




Նոր տարվա
հոտով լցվե՞ց
ձեր տոնը...

• Տղաների ու
աղջկների
համար



Համով է, բայց վճասակար



Սիրում ես, չե՞ն, համով բաներ ուտել: Այ քեզ հարց... լ՞վ չի սիրում. ո՞նց կարելի է ապրել առանց սիրելի ուտելիքների ու ըմպելիքների: Մանավանդ, եթք Նոր տարի է, ու լի՞քը համով բաներ կան սեղանին:

Իսկ մտածե՞լ են՝ ինչի՞ համար ենք մենք ուտում. ուտում ենք, որ սոված չմնանք, որ հաձոյր ստանանք, որ... իսկ ամենակարևոր պատասխանը սա է. մարդն ուտում է Եներգիա ստանալու համար: Մերենայի մեջ վառելիք են լցում, որ այն աշխատի, չե՞ն: Մեր վառելիքն էլ սնունդն է: Մի՛ ծիծաղիր: Եվ հատկապես ձի՛շտ սնունդը: Իսկ ո՞րն է ձի՛շտ սնունդը՝ կիարցնես դու: Ասեմ. եթե մեքենայի մեջ բենզինի փոխարեն լիմոնադ լցնենք, կըշվի՞: Ոչ միայն չի քշվի, այլև մեքենան կփշանա: Իսկ եթե մարդը սիսալ սնունդ ուտի, քո կարծիքով ի՞նչ կլինի: Կկշտանա, նրան կարող է նոյնիսկ դուր գալ այդ սիսալ սննդի համը, բայց եթե անընդհատ սիսալ սնվի, Եներգիա չի ստանա: Ել չեմ ասում, որ մի օր որևէ օրգանը կիհվանդանա: Իսկ մենք սնվում ենք Եներգիա ունենալու և ապրելու, վազելու, թռվալու, բռնոցի խաղալու, ուրախ լինելու, մեծանալու համար: Այդ ամենի համար մեզ Եներգիա է տալիս ձի՛շտ սնունդը:

Իսկ դու ի՞նչ ես սիրում ուտել: Գուշակե՞մ. խրթխրթան չիպս, փմփուխ բուլիներ, գունավոր կոնֆետներ, բաժակը բաժակի հետևից խմում ես գազավորված գունավոր ըմպելիքներ: Ընտանիքը քեզ համոզում է խմել տատիկի պատրաստած տնական հյութերը, տնի՛ց նախաճաշ տանել դպրոց, ասենք՝ սննդարար բանան, խնձոր, գազար, բրդուներ: Իսկ դու նվնվում ես. «Փող կտա՞ք, ախր բոլոր երեխաները բուժետից կամ բակի խանութից իրենց սիրելի բաներն են առնում»: Բայց մեծերը մի բան գիտեն, չե՞ն, որ ասում են՝ ամեն աղք մի՛ կեր ու մի՛ խմիր: Այս, նրանք այդպես կոպիտ են ասում, որ դու հասկանաս, որ քեզ քիչ-քիչ կվնասեն սիսալ ուտելիքներն ու ըմպելիքները: Մեկ էլ՝ «Վա՛խ, փորս ցավում է...»: Բա ի՞նչ կլինի, եթե այդքան շատ ես խմում գազավորված ըմպելիք (անունները նոյնիսկ չեմ ուզում տալ, ինքող էլ գիտեն՝ որոնց մասին եմ խոսում): Իմացի՛ր, դրանք պատրաստված են քիմիական նյութերից, դրանց մեջ ոչ մի պիտանի բան չկա: Արտադրողները մեջը քիմիական համեր ու հոտեր են լցնում, որ դու գայթակղվես, շատ առնես, շատ խմես, իսկ իրենք հարստանան: Հիմա հասկացա՞ր: Ենոյնիսկ վիրավորական է, որ ինչ-որ մեկը քո առողջության հաշվին հարստանում է: Ել չեմ ասում, որ սիսալ ուտելիքներից չաղանում ես, Եներգիա ստանալու փոխարեն քեզ զգում ես հոգնած, անհավես, անտրամադիր... Հիմա պատկերացնո՞մ ես, թե ինչո՞ւ է կարևոր ձիշտ սնվելը:

Բնությունը մեզ մեծ հարստություն է պարզել առողջ ապրելու համար՝ համով և օգտակար մրգեր, բանջարեղեն, մաքուր օդ, արև: Իսկ դու անտարեր անցնում ես վիտամիններով հարուստ մրգերի կողքով, բանջարեղեն չես սիրում: Թե ինչո՞վ են դրանք օգտակար, ի՞նչ են տալիս մեզ, քեզ հաջորդ անգամ կպատմեմ: Իսկ մինչ այդ՝ մի խնդրանք քեզ ուտելուց առաջ հիշի՛ր. ամեն համով բան չե՞ն, որ օգտակար է:







Հյուսված հայկական

Մենք՝ հայերս, հյուրասեր ժողովուրդ ենք: Ինչքա՞ն հյուրեր ենք ընդունում Ամանորին... Ճիշտ սեղաններ ենք բացում, անում ենք ամեն ինչ, որպեսզի մեր հյուրերն իրենց լավ զգան մեր տանը: Այդպես է, չէ՞: Այս լավ հատկությունը մենք միշտ ենք ունեցել: Փորձի՛ր բացել այս զաղտնագրերն ու կարդալ, թե հայերն ինչպես են արտահայտվում իրենց հյուրերի մասին:

Ամանորի գևումներ

Մայրիկիդ հանձնարարությամբ
եկել ես խանութ՝ Ամանորի գնումներ
անելու: Ծա՛տ պատասխանառու
գործ է: Որպեսզի չմռանաս, թե ի՞նչ
պիտի առնես, մայրիկդ մթերքների
անունները շարել է այնպիսի
հերթականությամբ, որ ամեն մեկի
անվան վերջին տառով սկսվում
է հաջորդի անունը: Ստացվել է
բառաշղթա: Լուծի՛ր այն, որ ոչինչ
չմռանաս գնել:

Բա մայրիկդ չի մտածել՝
այսքանը մենակ ո՞նց ես խանութից
տուն տանելու:



Երևան, Ալավերդի 132
(060) 44 25 45
(091) 58 98 62
poqish@yahoo.com
www.pokrikishkhan.com



Իմ շատ սիրելի, թանկագին, հարազատ մանկագիր-պապիկ
Յուրի Սահակյան. շնորհակալություն, որ ինձ նվիրել ես այս
բանաստեղծությունը: Այն ինձ համար թանկ է, որովհետև դու այն
նվիրեցիր իմ ծնունդին, որովհետև դու ինձ սիրում ես, ես էլ քեզ եմ շատ
սիրում: Պու՛ չըք-չըք-չըք...



Ամեն օր՝ բարի օր, ու ամեն օր՝ նոր ոտանավոր...



Յուրի Սահակյան

Ուրախ գնացք,
Ուրախ գնացք,
Բարով եկար, բարով գնաս,
Ինչ հորիզոններ էլ հատես
Ազնիվ ընթացքդ չընդհատես,
Տարեցտարի և օր օրի
Դու պետք ես գալու բոլորին
Քո գիտությամբ, ուրախությամբ
Եվ բարեհաճ խոհեմությամբ:




Այս ամիսներին, երբ ես չեմ տպագրվում, իմ
հավատարիմ ընկերներն ինձ հետ էին. Նրանք
ինձ ոգեշնչող նամակներ էին գրում ու սպա-
սում էին, որ ես նորից ծնվեմ: Ես միշտ էլ ուրա-
խանում եմ ձեր նամակներից, սիրում եմ զգալ,
որ դուք ինձ հետ եք, սիրում եմ իմանալ ձեր կար-
ծիքը, ցանկությունները, առաջարկները, երա-
զանքները... Բա ընկերությունն ուրիշ ո՞նց կինի...



իմ Ուրախ գնացք, մաղթում եմ վեց առողջություն,
երգանկություն, կապույտ երկինք, կանաչ ծանապարհ, մի
խոսքով՝ ամենա-ամենա-ամենապայի բաները, ցանկանում
եմ, որ դու շար լուս հաղթահարես ֆու այդ դժվարությունները,
որպեսի նորից լուս տեսնես: Ծովը առողջացիր, ես անհամբեր
սպասում եմ վեց և իմ գրած բանասպեղծությունը նվիրում եմ վեց:

Իրինա Օդաբաշյան



Բարև, սիրելի՝ Ուրախ
գնացք: Ես հաջոյին նայում
եմ ֆու այիժի բոլոր մովզերը: Բայց
ես ուզում եմ, որ ֆու այիժի մովզերը
քարմանես հայերեն: Խոսով եմ, որ իմ
ինդրանիքը կկապարես:

Քեզ սիրող ընկեր՝
Սամյուել Մարտիրոսյան, 9 տ.
Վայոց ձոր, գյուղ Շատինի դպրոց



Բարև, Սամյուել ջան: Շատ ուրախ եմ
նամակիդ համար, հատկապես, որ նայում
ես իմ ալիքի մովտերը: Ասեմ, որ մովտերը
հայերեն դարձնելու քո ցանկությունը իմ
երազանքն է. ես էլ եմ ուզում, որ մեր սի-
րելի բոլոր մովտերը լինեն նաև հայերեն:
Պարզապես դա այնքան է հեշտ ու արագ
գործէ: Հոյս ունեմ, որ մի օր քո ցանկությունն
ու իմ երազանքը կլատարվեն:

Քո՝ Ուրախ գնացք



Ներկի՞ր ինձ քո ուզած գույներով: 😊



Դիրախոսութեանիկ

Այն ընթացքում, որ ես
չէի տպագրվում, ստացել
եմ իմ առաջարկած
հանձնարարությունների պատաս-
խաններ: Իմ հավատարիմ
ընկերներ, ձեր ուղարկած
պատասխանները՝ ձեր գրած,
նկարած, պատրաստած
աշխատանքները անպայման
կտպագրեմ իմ 2-րդ հատորում: Մի
քիչ էլ համբերեք ու կտեսնեք...



Պատասխաններ

Մոլոտխաչքառ

1. ընեռափայլ
2. էֆեր
3. ձևենարդ
4. հյուփասային
5. եղջերուներ
6. վագոնավար
7. տոմս
8. շոկոլադ
9. գայլեր
10. ձեպընթաց

Ամանորի գնումներ

լոլիկ, կաղամբ, բանան,
նուռ, ռեհան, նուշ, շոկոլադ,
դդում, մանդարին

Հյուրասեր հայերը

Հյուրն Աստծուն է:
Տունն իմ տունը չէ, տունը
դուռ բացողին է:
Պամիր-հաց, սիրտը՝ բաց:
Հյուրը տանտիրոց վարդն է:

Ոերուս

Տարեմուտ
Տարեգլուխ
Նավասարդ
Ամանոր
Կաղանդ
Գոտեկախ
Լոյեի գիշեր
Կալուստար

Հիմնադիր և հրատարակիչ
«Եղիթ Պրինտ» հրատարակչություն

Խմբագրական կազմ

| | |
|------------------|--------------------|
| Խմբագիրներ՝ | Անի Գևորգյան |
| սրբագրիչ՝ | Իզաբելա Ալեքսանյան |
| նկարիչ-ձևավորող՝ | Գայսա Հռվիաննիսյան |
| ձևավորող՝ | Արար Սարգսյան |
| | Ավարդ Օհանջանյան |

Խմբագրական խորհուրդ

Անահիտ Արնաույան, Գայանե Բեղիրյան,
Երվանդ Պետրոսյան, Յուլի Սահակյան,
Լիլիթ Տեր-Գրիգորյան

Լրատվական գործունեությունն իրականացնող «Եղիթ Պրինտ» ՄՊԸ
Խմբագրության հասցեն՝ Երևան 0001, Թումանյան 12, 3
Էլ. փոստի հասցեն՝ gnacq@editprint.am Հեռ.՝ 010 520 848
Տպագրված է «Եղիթ Պրինտ» ՄՊԸ տպարանում
Ստորագրված է տպագրության՝ 12.12.2014
Տպագրական 6.5 մամուլ





ԵԴԻԹ ՊՐԻՆՏ
հրատարակություն
EDIT PRINT
Publishing House

